




ԱՄԵՆԱՅՆ ՀԱՅՈՑ ՎԵՀԱՓԱՌ ՀԱՅՐԱՊԵՏԻ ՆԱՄԱԿԸ
ՔՈՒՅՐ ԵԿԵՂԵՑԻՆԵՐԻ ՀՈԳԵՎՈՐ ՊԵՏԵՐԻՆ
ԱՊՐԻԼՅԱՆ ՄԵԾ ԵՂԵՌՆԻ 50-ԱՄՅԱԿԻ ԱՌԹԻՎ

ԱՌ ՆՈՐԻՆ ՍՐԲՈՒԹՅՈՒՆ Տ. Տ. ՊԱՎՂՈՍ Զ ՊԱՊՆ ՀՈՒՄԱ,
ՍՐԲԱԶԱՆ ԶԱՀԱՆԱՅԱՊԵՏԻՆ ԿԱԹՈՂԻԿԵ ՍՐԲՈ ԵԿԵՂԵՑՎՈՐ

ՎԱՏԻԿԱՆ, ՀՈՒՄ

Ձերդ Սրբություն.

Մեզի համար հոգեկան մեծ գոհունակություն է Ձերդ Սրբության ուղղել Մեր սույն գիրը, մեր Եկեղեցվո ի ժողովուրդի համար պատմական նշանակություն ունեցող մեկ պահին:

Հայաստանյայց Առաքելական Եկեղեցին և համայն, հայ ժողովուրդը հառաջիկա տարի պիտի հիշատակեն հիսնամյակը Արևմտյան Հայաստանի (Թուրքական Հայաստանի) մոտ երկու միլիոն հայերի նահատակության, որ սկիզբ առավ 24 ապրիլ 1915 թվականին:

Թրքահայաստանի ամբողջ հայ ժողովրդի բնաջնջումը կատարվեց ծրագրված ու պետականորեն կազմակերպված ձևով, սուլթանական կառավարության կողմից: 1915—1920 թվականների ժամանակաշրջանում, պատմական Հայաստանի հապարամյա քաղաքներ և գյուղեր, վանքեր և եկեղեցիներ թալանվեցին, հրկիզվեցին ու ավերակների կույտի վերածվեցին, և ամբողջ մի ժողովուրդ՝ տղամարդիկ, կանայք ու երեխաներ, ֆիզիկական ու բարոյական վարհուրելի տառապանքների մեջ, դեպի Հյուսիսային Սուրիայի անապատները բռնվեցին ու ջարդվեցին:

Նորագույն պատմության մեջ առաջին ցեղասպանության մեծ ոճիրն էր որ կատարվեց: Նահատակված հայ ժողովրդի միակ մեղքն էր, որ նա կամեցել էր այս աշխարհի վրա ապրել իբրև քրիստոնյա և ազատ ազգություն:

Մենք, իբրև Հայրապետ Հայ Եկեղեցու, Մեր խղճի պարտքը նկատեցինք հատուկ մի կոնգակ գրի առնել, 17 օգոստոս 1964 թվակիր, նվիրված Հայ Եկեղեցու և հայ ժողովրդի այս մեծ ողբերգության հիսնամյա տարելիցին, 1965 թվականը հռչակելով սուգի և աղոթքի տարի:

Այսու Ձերդ Սրբության և համայն Կաթողիկե Ս. Եկեղեցու բարձր ուշադրությունը հրավիրում ենք սույն տարեկիցի վրա, խորհելով, թե առաջնորդված քրիստոնեական գութի և արդարության զգացումից, պիտի կամենայիք առաջիկա տարի ապրիլ 24-ի օրը Ձեր և Ձեր մեծ Եկեղեցու աղոթքը միացնել մեր աղոթքներին՝ երկու միլիոն նահատակ քրիստոնյա հայերի հոգիների խաղաղության համար:

Ձերդ Սրբության և բոլոր մեր քույր եկեղեցիների աղոթքները համայն հայ հավատացյալ ժողովրդի վշտահար սրտի համար պիտի հանդիսանան հոգեկան խորունկ մխիթարություն:

Ընդունեցեք, Սրբազան Հովվապետ, Մեր եղբայրական հարգանքի՝ և սիրո ողջույնը և Մեր ջերմագին մաղթանքները քաջառողջության, որպեսզի երկար տարիների երջանիկ հովվապետությամբ Ձեր սուրբ գործերով առավել փառավորեք Ձեր մեծ Եկեղեցին:

Սիրով ի Բրիստոս,

ՎԱԶԳԵՆ Ա

ԾԱՅՐԱԳՈՒՅՆ ՊԱՏՐԻԱՐԷ ԵՎ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ

24 սեպտեմբերի 1964 թ.

Ա. ԷԶՄԻԱԾԻՆ

Համանման բովանդակությամբ գրություններ ուղարկվեցին նաև՝

1. Մոսկվայի և Համայն Ռուսաստանի Պատրիարք Նորին Սրբություն Ալեքսիին,
2. Բենտրբերիի Արքեպիսկոպոս և Համայն Անգլիայի Միտրոպոլիտ Նորին Սրբություն դոկտ. Մայքլ Ռեմպին,
3. Եկեղեցիների համաշխարհային խորհրդի ընդհանուր քարտուղար, պատվելի դոկտ. Վիսսեր դ'Նուֆտին:

